

جريدة محاكم

جمعه ايرتسى

نومرو	جاذى الاخره	سنه	شباط	سنه	صفحة
۳۸۳	۱۶	۱۳۰۴	۲۸	۱۳۰۲	۴۰۴۷

- ❖ اشبو غزته بهر هفته جمعه ايرتسى كونلى چيقار سنه لكى در سعادت ايچون مجديه
- ❖ يكرمى غروش حسابيله التمش غروشدر طشره لر ايچون اون بش غروش پوسته اجرتى ضم اولنور بهر
- ❖ نسخه سى بنه مجديه يكرمى غروش اولق اوزره يوز پاره به هر يرده صاتيلور درج اولنه جق اعلاناڭ
- ❖ هر برندن بر مجديه اخذ اولنور سنه لکنه مشترى اولق استيانلر عدليه نظارتى دائره سنده کاشن
- ❖ جريده محاکم اداره سنه مراجعت ايليدر

توجهات

سرفيجه سنجاغى بدايت محکمه سى جزا دائره سى
 رياستى مکتب حقوق شاهانه ماذونلرندن
 فيض الله افندى به

جسر ارکنه بدايت محکمه سى مدعى عمومى
 معاونلى بتلس بدايت محکمه سى مدعى عمومى
 معاونى سابق اکاه افندى به

تکه سنجاغى بدايت محکمه سى جزا دائره سى
 رياستى بور دور بدايت محکمه سى جزا دائره سى
 رئيسى اسعد افندى به

بور دور بدايت محکمه سى جزا دائره سى رياستى
 تکه سنجاغى بدايت محکمه سى جزا دائره سى
 رئيسى صالح افندى به

ارکرى سنجاغى بدايت محکمه سى مدعى عمومى

قسمت سى

(اعلان مخصوص)

جريده محاکم سکرنجى سنه سى ختامه رسیده
 اولوب سنه سابق ابونه لر ينک مدتى منقضيه
 اولديغندن واشبو طقوزنجى سنه سى يعنى اوچيوز
 اوچ سنه سى ايچون دخی اوچيوز سکسان دردنجى
 نومرودن اعتباراً کافي السابق نشرينه دوام
 اولنه جنغى بدیهى بولنديغندن ابونه تجدیدىنى آرزو
 ايدنلرک معلومى اولق وبدلى بروجه پشبن تأديه
 ايله اداره مزه اعطای معلومات قلنق اوزره اعلان
 کیفیته ابتدار اولندى

معاونت کی برات سنجائی بدایت محکمہ سی مدعی
عمومی معاونی محمود حنی افندی به
برات سنجائی بدایت محکمہ سی مدعی عمومی
معاونت کی ارکری سنجائی بدایت محکمہ سی
مدعی عمومی معاونی عمر بکه
پرزرین سنجائی بدایت محکمہ سی جزا دائرہ سی
ریاستی دراج سنجائی بدایت محکمہ سی جزا
دائرہ سی ریسی عبدی افندی به
دراج سنجائی بدایت محکمہ سی جزا دائرہ سی ریاستی
مکتب حقوق شاہانہ ما ذونرندن محمد صادق
افندی به توجیه بیورلشدر



(۱۲ جاذی الاخر سنہ ۳۰۴ و فی ۲۳ شباط سنہ ۳۰۲)
(تاریخندہ عموم ولایات استیناف مدعی عمومی ملینہ)
(و مدعی عمومی بولنمیان محللار مدعی عمومی)
(معاون نرینہ و در سعادت محاکمہ و ساسیله اسکدار)
(و بک اوغلی بدایت محکمہ سی ریاستہ یاز یلان)
(تحریرات علیہ در)

ایفای وکالت ایچون بر محلدن آخر محله کیدن
مأوریندن بعضیلری خرج راه طلبندہ اولوب
بو باده بر نظام اولدیغندن بختله استفسار معاملہ بی
شامل مالیه نظارت جلیله سندن وارد اولان
تذکرہ اوزرینہ شورای دولت تنظیمات
دائرہ سندن قلمہ آنوب مجلس مخصوص وکلادہ



مطالعہ اولنسان مضبوطہ نہ تحت محاکمہ به انوب
بالاخره بر ائتری تحقق ایدن و یا خود حج شریف
و تبدیل هوا ایچون مأزویت الان مأمورینک
و کیلارینہ بر موجب قرار نامہ مأمورین موظفہ دن
ایسه خسی و دکلسہ نصف معاش اعطاسی ارادہ
سنیہ اقتضاسندن ایسه ده بویله بشقہ محلده
اولدیغی حالده وکالہ تعیین اولنه حق مأمورینک
خرج راهی نہ طرفندن تسویہ ایدیلہ جکنہ
دائر بر قاعدہ موضوع اولماسیله اولباده
جریان ایدن مذاکرہ اوزرینہ بشقہ محلده بولندیغی
حالده وکالہ تعیین اولنسان مأمور اگر غیر موظف
اولوبده نصف معاشله ایفای وکالت ایش ایسه
خرج راهنک مأمور مأذون طرفندن و مأمورین
موظفہ دن اولهرق خمس معاش ایله اجرای
وکالت ایش ایسه چونکہ وکیلہ ویر بله جک
خمس معاشدن صکره قاله حق نصفک خزینہ
مانده ایدلسی مقرر اولسنہ کوره اولخالده دخی
خرج راهک جانب خزینہ دن تسویہ سی موافق
معدلت و مصلحت اوله جغندن بو مثلور حقندہ
اوبولده معاملہ اولنسی بوکره شرفوارد اولان
تذکرہ سامیہ ده امر و اشعار بیورلش و ایجاب
ایدنلره تبلیغ اولنقی اوزره اشبو نحر براتک نسخ
مطبوعہ کافیه سی لقا ارسال قلنش اولمغله
ایفای مقتضاسی خصوصہ همت اولنسی سیاقندہ
شقه ترقیم قلندی

(فی ۱۲ جاذی الاخر سنہ ۳۰۴ و فی ۲۳ شباط سنہ)
(۳۰۲ تاریخندہ در سعادت و ولایات مدعی)
(عمومی ملکرینہ یاز یلان نحر برات علیہ در)

نقود موقوفہ دن بورجی اولوبده اداسندہ تامل
ایدنلرک بلا بومیه حبس اولنملری حقندہ ارادہ
سنیہ حضرت پادشاهی شرفعلق بیور یلان
فقره قانونیه نک صورتیله اشبو نحر براتک نسخہ
مطبوعہ کافیه سی لقا ارسال قلنش اولمغله اولوجهله
اقتضاسنک اجراسی



(اعلامات حقوقیه نک صورت اجراسنہ)
(دائر قانون موقتک او توز طقوزنجی)
(ماده سنہ ذیل اولمق اوزره قلمہ النوب)
(مرعیت احکامنہ بالاستینان ارادہ سنیہ)
(جناب پادشاهی شرفعلق بیور یلان فقره)
(قانونیه صورتیدر)

مهر و نفقه لردن و خیرات و مبراتہ موقوف
اموال و نقوددن طولابی محکوم اولان مدیونلر
ایفای دینلرندن امتناع ایلدکلی حالده او توز
ایکنجی او توز او چنجی ماده لک حکمنندن
مستثنا طویلهرق هر حالده حبس اولنور و او توز
التنجی ماده حکمنجه دینلری طرفندن انفاق اولنمز




قسم غیر رسمی

دعوی وکیلرندن عزت افندی نک طریق غزته سیله
نشر ایش اولدیغی مفصل بر ورقه ده محکمہ
استیناف مدعی عمومی عزتو خالد بک افندی
حقندہ وقوعبولان عزویات و تحقیراتی مکتب
اولهرق مقام عالی جناب نظامینا هیدن مذکور
طریق غزته سنہ بر قطعہ اعلان رسمی کوندریله رک
نشر ایشدرلش و مدعی عمومی مومی الیه
اوصاف و حرکات بمدوحه و مستقیمه اصحابندن
و خدمات حسنہ سی ارکان و مأمورین عدلیه جه
مسلماتدن اولوب جریده مزله نشر اولنسان متعدد
اثار قلبیه سیده فضل و کالنی و استقامت حالی اثباته
کافی اولدیغی بیانله برابر مذکور اعلان جریده مزه
عیناً درج قلنور

دعی وکیلرندن عزت طرفندن بالاعطاس طریق
غزته سنک ۱۰۱۶ نومرولی نسخہ سنہ درج
واملا قلنن استدعا صورتندہ محکمہ استیناف
مدعی عمومی عزتو خالد بکه عزو اولنسان
مواددن طولابی ایفای تحقیقاته لدی الابتدار
مدعی عمومی مومی الیهک مظنون علیہ صفتیله تحت
محاکمہ به التدیغنک اصلی اولدیغی کبی مومی الیه
عزت افندی نک و بریدیکی شکایتنامہ ل اوزرینہ
مقدما اجرا قلنن تحقیقات نتیجه سنده مومی الیه

خالد بک محاکمه سنی مستلزم بر حال و حرکتی کور یله میهرک مستدعی مومی الیهه جواب و پرلمشدر بر مأمور علیهنه طریق قانونیسنده عرض شکایت ایدیه یلورسدهده بو کبی تحقیرات و عزویاتی متضمن اوراق نشری موافق قانون اولدیغی درکار بولنش و مومی الیه عزت افندیك بو دفعه کی نشریاتندن طولاییده مومی الیه خالد بک طرفندن اقامه دعوی ایدلش اولغله تسخیح کیفیته ابتدار اولندی



« بر وقعه تاریخیه عدلیه » عنوانیه تقدیم ایلدیکم اثر ناچیرک سرنامه انتشارینه شرفبخش اقبال اولان افاده مخصوصه ادبیانه لری نور لطافتدن یابیش مرآت مجلاکبی موضوعنک تمثال مشخصنی تصویر ایدن بر مقدمه بدیع البیان ایدی که غربک ضیای معارفیله تنور افکار ایدن مطبوعات عدلیه سی کبی بزدهده تریه روح ، تزکیه افکار ، تهذیب اخلاق ایله پرورده وجدان ایده جک امثال تاریخیه نك تزییننده رونق نمای عبرت و کمال اولان اثار محاکمات عدلیه نك فوائد و محسناتی شامل اوله یور . نشریات قانونیه جه ادبیات عدلیه نك دخی انبساط و اعتلاسی بولنده کی خدمت تحریر یه دن طولایی ثمره

تشویقات فیاضانه لری یله هیئت ارکان عدلیه مزدن بعض ترقی پروران فضل و عرفانک مظهریتیه مفخر اولدیغم التفات عالیله رب نك بر تقدیمه شکرانه سی اولقی اوزره شرقک علویت پسندانه شیوه ادبه مخصوص خیالات شاعرانه بی غربک نظر ربای وجدان اولان مآثر حکمیات عدلیه سیله امتزاج ایتدیره جک بر وقعه رقت انکیرانه بی تصور اولان شو اثر عاجزانه بی دخی نظر تقدیر حکیمانله رینه عرض ایله کسب فخر ایلرم .

(نوتردام معبدی)

- یاخود -

زواللی اوکسوزک محاکمه سی

ظلمتی بر کچه ایدی که طوتلش آی کبی سیاهلریچنه بورنش اولان کوک یوزینک - جهانه یایلان فورطنه بلوطلرندن متشکل - قرار تیبی (سن) نهرینک اوزرینه بر کابوس بلاکبی چوکش و بوسحایاره لاره سندن « نوتردام » معبدینک قبه فیروزه قاهی کویاکه بر پوشیده نورانی ایله اورتلشیدی .

پارسک منظره سی پک دهشتناک ایدی .

کویاکه بو شهر شهر بندرگاه عالم ایکن شمعی بر سکونت مأیوسانه ایله ظلال ظلامدن عبارت قالشیدی .

بردن بره بو هنگامه مصیبتی یارارجه سنه بر داهیة قیامت نمون ایله شرقدن غربه طوغری

طرفه العینده یلدرملر قویار ، هولساک فورتنه شداندندن طالعدر طاغله ، طاغله کوکله چیقاردی .

ظن اولنوردی که کنکره اسمانک ایکنیبی ، جهانک قرار تیبی نشانه قیامت ایدی .

ایشته بویله ظلمتی بر کچهده لوحه طبیعت « هازیت » ک فلاکت حالی شو یله تصویر ایدوردی .

هازیت ! قونئس دولینیره دیوردی که :

اولیه قورقج بر سفالت ! اویله دهشت بار بر ضرورت که انسانلری دیری دیری قبرستان عدمه آتوب محو وافنا ایچون مملکتی استیلا ایدن ققط وغلا شدتله حکمنی اجرا ایتکده ایدی . ایشته اوزمان ! پدرم اللری بوکرنده والسدهمه غذا ایده جک بر قمه اتمک تدارکندن عاجز قالور .

والدهم یاوروجنی قوجاغنده مه لرنده بنی بسلیه جک بر طامله سوده محتاج اولور .

مرحتملی باباجم ! اللربنی سمایه قالدیرمش ، سوکلی زوجه سنک حیاتی ایچون اللهنه مناجات ایدر .

زواللی نه جکم ! کوزلرینی بکا چو برمش ، معصوم قزینک انقاقی ایچون ملکرندن استمداد ایلر .

بن ایسه بر المله والسدهمک بویننه صارلمش ، صانکه کوزلم « آنه جکم سن اوله » دیه محزون محزون اغلرمش !

بر المله مده سنی طومش صانکه لسان حالم « بن سندن اول کیدیورم امدیکم سود حقنی حلال ایله » دیه فریاد ایدرمش !

ارتق والسدهمک آچلقدن خسته لقدن تاب وتوانی کسلش . پدرم والسدهمک اوزرینه آتیش .

والده جکم بنی بغرینه باصمش جمله من حیاتدن مأیوس قالشز . پدرم هیچ اولزسه بنی اولومدن

قورتارمقی ایچون ملتکک مرحمتنه التجادن بشقه بر چاره بوله مامش . والسدهم حیاتنده اچلقدن اولوم اویقوسنه واردیغی هنکامده پدرم بنی

ایتاخانه یه بر اقق ایچون (نوتردام) کلیسایسنک حویلسنه طوغری کوتورمکده اولدیغی زمان !

شدت شتا اول درجه حکمنی اجرا ایتکده ایدی که صفوقک تأثیرات مدهشه سندن زقافلرده

انسانلر طونار ! روزکار دهشتندن اغاجلری کوکلرندن قویاروب صاوورر . یاغان قارلرک

کترتدن کلیسایک نردبانلری کورنمز بر حاله کیرمشیدی . قار کویک یوزینک کول رنگینی بیاض

چیریلرله یاریوردی . صانکه پارس کفنله اوزری اورتلش کبی قاردن بیاض کوملک

کیمشیدی بیچاره پدرم ! بر طرفدن آچلق کوزلرینی قرارتمش جاننه قصد ایدر . بر طرفدن صفوق

فورتنه بلوطلرینی قویارمش اوزرینه هجوم ایلرکن « آه ! شمعی بیجا بو معصومی بوراده

یراقه میمی ؟ » دیه دوشنوب اغلرمش . اوحالده

بر قاچ خطوه ایلروده حزین حزین بر چوجیق
صداسی دها ایشتمسونمی؟ اوزرینه طوغری
وارنجه کهواره فلاکتک نصفی بیاض حریردن
اوزرینه دالار ایشتمش دیالردن بورغان آتیش
کبی قارله مستور! اومنی منی الیری کبی چهره سی
دخی صفوقدن موس مور کسلیش بیچاره
اوکسوز! بر معصوم مظلوم! هنوز قنادلری
دوگلامش بر ملک کورمش که الماسه بکزه یان،
کونشی کورنجه اریسوب دالاری سیاه بر اقان
کوچک بوز پارچه لری کبی بردن بره صولوب
محو اولمشیدی!

صاریشین چهره سی غروب ایتکده اولان
کونشک منظره سی طاتلی آندری یوردی. اون
نظرلرنده متروک بر یتیم سفالتدن هیچ بر اثر
کورنیوردی چونکه الله امانت اولتمشیدی.

دائما پدرمک یوزینه محزونانه باقیوردی.
روزکارک شدتدن کلشی کوزل اوزرینه
دوکیلوب طاغیلان صاحبک اره سنه دوشن
قارلر بر الماس دال اوزرینه پوسکو ریلان پر لنته
طاشلر کبی قونمشیدی.

پدرمک نقلنه کوره کوزلرینک اوکنده کیجه نیک
ظلمتی اوزرینه باصمش کبی بردن بره افق
قرارمشیدی! یورکی قورقنج بر خیال کورمش
کبی برندن اویناوردی! وجودی عادتاً صتمه به
اوغرامش بر خسته کبی بتون دتریوردی.
کورینان. ظلمتی بر کیجه! دهشتلی بر قراکلی!

هر طرفنده بر هیکل کبی صمت و سکوت نجسم
ایتشیدی. هر یرده مزار سسیله قاریشق بر
بر آوازه وحشت هر محمله مدهش بر سکونت وار
ایدی.

اوبله بر سکون ایدی که ایچلی کولدن چیتان
بر آه بیله ایشیدلزدی. اوبله بر قراکلی ایدی که ظلمتی
بر خیال بیله کورنزدی.

کیجه او قدر ساکن ایدی که کوک بوزنده هیچ
بر بلوط یوغیدی طوپراق کبی آیده ماتم ایچنده
سیاهره بورتمشیدی.

آه کیجه! نه غریب منظره در؟ بوینی بوکش
سفالتزده لردن بر التندن چیقار کبی بر طاقم بوغوق
سسلر ایشیدیلرده زهدن کلدیکی بیلنمز؟ کوره
ارضدن بیوک سیاره لر بر بد بخت طالعک اثر
معکوسی اولان شراره لر کبی کورینور. بیلدیزلر
پارلار فقط کوک بوزی ینه سیاه اولور. نه هیبتلی
منظره؟ خیال ایچندن چیقان بر حقیقت کندی
افکار یله قاریش یوردی. کویا که بینسک افاقی
دونیوردی.

ایشته او وقت! قراکلیک ایچنده بر ضیا
کوردی. اولومک ایچنده بر حیات بولدی.
اوضیا، کوک بوزندن بیلدیز کبی بر شهیدک مزارینه
صارقش نور طوبی ایدی. اونوزاده حیات،
نوتردام معبدینه ایش استغفار ایدر بر ملک
ایدی.

صبان که روحنی غائب ایدوبده یکیدن ایکی جان
بولمشیدی.

اولوم حالنه کیرمش اولان بو معصوم چوجنی
زوالی باباجم کورر کورمز صفوقدن بم بیاض
اولان دوداقلری اوزرنده خفیف بر تبسم!
اچلقدن سونوب مزارک دهشتیله طولمش اولان
کوز قپاقلری اوزرنده بر نور پیدا اولدیغنی حس
ایتشیدی.

کویا که نوتردام معبدینک - هر شینک کچمکده
اولدیغنی بزه اخطار ایدن - ساعتلری چوجغه بر
ملجاء امن وامان ارار کبی یوقارودن اشاغی
پدرمک اوزرینه دوشیورلردی. کندی کندیینه
دیدکی که:

«اگر بن بورایه کلامش اولیدم بو زوالی یتیمک
ترک مادر حیات ایده جکی کبی بر صاحب مرحمت
وحیت تصادف ایدنجه به قدر بنم فرمده محو
اولوب کیده جکدی»

چوجنی ایصتق ایچون قوجاغنه الور. قلبسک
ایچنه صوقق استر «اوت نه بتمکنی نه ده بونی
ترک ایتیمه جکم» در.

اوقزینی ترک ایتک نیتیه کویا بر بار عظیمی متحمل
کبی ایاقلرینی آته میان، صفوقدن قاردن دیتربه
دیتربه کلان آدم بو دفعه قوجاغنده ایکی معصوم
اولدیغنی حالده کهنگار کوزلرینک باقمی هیچ
بر وجهله جائز اولمیان «نوتردام» معبدینک
اوکنده بر توبه کار کبی دیز اوستنده بولنق اقتضا
ایتدیکنی حس ایله قوت، متانت، صبر، تحمل،
حیث، غیرت، بسالت حس ایاتک تأثیر اتندن

طهارلرینه یایلان قانلرک جولانیله اوینه عودت
ایتشیدی.

والدهمه خطاباً «سوکلی زوجهم بزه یالکز بر
اولاد کافی دکل ایشکه جنایت حق جله مزه
آجیه رق بر فلاکت انی سمان پره ایندیرمش بر
ملک دها احسان ایتدی بر قزک برینه شمیدی ایکی
چوجغمز اولدی» دهرک قونداغنی جوز دکلری
وقت ایکی چیقین التون ایله برابر بر کاغذ
چیقمشیدی که ایچنده شو کله لر یازیلی ایدی.

«ای نظر ملالی بو ورقه نیک اوزرینه منعطف
اولان مرحمتکار! کوزلرینی سنک معصوم نواز
دست تربیتنه ودیعه الهی اولان شو بشکت
ایچنده کبی شیر خوارک محزون یوزینه چورر.

الله عشقنه بو زوالی یتیمی کندی قزک کبی شفقت
مریانه ایله بسله بیوت مرحمت ایت سنک
قوجاغنه اتلق ایچون یوزینه ملول ملول بر نظرله
سندن استمداد ایدن شو بیچاره معصوم بر ظالم
محبت ایتلا سنک ثمره سیدر که مادر مهربانی
طرفندن بر مقدس وظیفه اغورنده فدا
اولمشدر!

ای شفقتپور انسان! فلکک ستملی انده، بشکنک
یووارلنان بو کوچک التون طوپنک، بو اوکسوز
مظلومک اسمی (لویز) در دقتله سویکز.

ای شومعبد مقدسده سر بزمن ایتهاال اولان ذاتر!
تقدیس ایده جکک قبله کاه اجابته ترک ایدمش
اولان شو مهد فلاکتک ایچنده غریبانه یتان

نوزاده ظلم وعدوان سنك سايه جايكارانه كه
دستكشاي نياز اولبور! مرحت ايتزميسين؟
آه! عجبا بو چوجنخي كيم تريه ايدجك؟
او خداوند رحيم ورحانكه ذات اجل واعلاسي
واقف هر احوال وبينت اولان لطف وعنايت
ومرحتك اثار محسنه سي بويله او كمزركسه سزله
حقنده جاوه ريز ظهور اواق ايچون مستغني
تضرع وابتها لدر . . .

باش مدعي عمومي
معاون نرندن
طلعت

(محكمه تميز حقوق دائره سي)

هر نه قدر بر مدت نبر و جریده مزه عیناً اعلام
در جندن صرف نظر ایدلکده ایسه ده آئیده کی
محکمه تمیز حقوق دائره سی اعلامی مقدا دائره
مذکورهدن صدور ایدوب نشر ایدلش اولان
اعلامات ساثره نك تته سندن اولق حسبیله
صورت استثنایه ده اوله رق عیناً طبعنه مبادرت
قلندی

طرزون ولايته تابع ریزه سنجاغنه مضاف
میاوری قریه سی اها لیسندن مصطفی والیاس
افندیلر ایله بیننده متحدت دعوا یه دائر محکمه
استیناف تجارت قسمندن فی ۱۰ تشرین اول
سنه ۳۰۱ تاریخله و بریلان اعلامک تمیزاً
تدقیقی محمود پاشاده جعفر خاندنه مقیم تجاردن
ریزه لی حافظ ابراهیم افندی طرفندن محکمه تمیز
حقوق دائره سنه اعطا قلنان عرضحال و متفرعاتنده
استدعا و تأمینات قانونیه ایفا اولدنیغندن
ودعوت واقعه اوزرینه مستدعی حافظ ابراهیم
افندی اصالة و مومی الیهما مصطفی والیاس
افندیلر طرفندن اوخانس موسدیجیان افندی
وکاله کلدکارندن تدقیقات تمیزیه اجراسنه ابتدار
واوراق لازمه بعد القرائه ادا و افا ده لری استفسار
قلندی

اعلام مذکور مندرجاتنه نظراً مومی الیه حافظ
ابراهیم افندی هشین قضاسی داخلنده حومی
دره سنده کائن اولان بر قطعه میشه لکی قره
علی زاده سلیمان سکسان درت تاریخلی بر قطعه
سندله اشترا ایتش اولدیغی حالده مقدم تاریخلی
ایکی قطعه سنده استناداً مذکور میشه لکی مومی
الیهما مصطفی والیاس افندیلر جانبندن مداخله
ایله دروننده بولنان شمشیرلری فصولی قطع
وضبط ایتکده اولدقلرندن بختله مداخله واقعه نك
منعی حقنده بدایه اقامه ایتدیکی دعوانك ردینه
دائر صادر اولان و محکمه استیناف تجارت

قسمتجه تصدیق قلنان اعلام عند التمیز نقض
اولسندن طولانی قسم مذکورجه بتکرار اجرا
قلنان محاکمه و تدقیقات نتیجه سنده مومی الیه
ابراهیم افندی مذکور میشه لکی متوفی سلیمان
افندیدن ذکر اولنان سند موجبجه بلامدت
یتش التي لیرا بدل ایله حال حیاتنده اشترا ایتش
ایسه ده ایدیلان استعلامه جواباً وارد اولان
مضابط و اوراق و طاپو مأموری جانبندن اخراج
ایدیلان رسمی قیود مندرجاتنه نظراً مذکور
میشه لکی متصرف حقیقیرلی معلوم الاسامی
کسانك اوج آی مدته متوفی سلیمان افندی به
ایجار ایتلری اوزرینه دروننده موجود شمشیرلری
متوفای مومی الیه قطع ایلدیکی کبی طقسان
اوج سنه سی مایس ابتداسندن طقسان التي
سنه سی مایس نهایتنه دکین متصرفلرندن كذلك
مومی الیهما مصطفی والیاس افندیلر دخی استیجار
ایتدکری ابراز اولنان سند مدلولیله مثبت اولدیغی
ومع مافیله مومی الیه ابراهیم افندینك مذکور
میشه لکی متوفی سلیمان افندیدن قطعاً تفرغ
ایلی احکام قانونیه به مغایر اولغله برابر مومی
الیله ابراهیم افندینك استناد ایلدیکی سننده
مدت اجاره مندرج اولدیغندن خصوص منازع
فیله ایجار و استیجار معامله سی اطلاق اولنه میه جعی
مثللو مومی الیه سلیمان افندینك وقوع وفاتی مومی
الیله ابراهیم افندینك تحت اعترافنده بولندیغی
جهت لره قونطورات نظامنامه سنك یدنجی

واصول محاکمه نك التمش درت ویتش بشنجی
ماده لرینك فقره اخیره لری موجبجه مومی الیه
ابراهیم افندینك سالف الذکر سندیلله اولبابده
استناد ایلدیکی شهادتنامه نك کائن لم یکن عدیلله
اعلام ابتدایینك تصدیقنه قرار ویرلیدیکی مستبان
اولمشدر

مستدعی حافظ ابراهیم افندینك خلاصه اعتراضی
خصوص منازع فیله حقنده اولنان استعلام
اوزرینه وارد اولان مضبطه لک یکدیگری نه مآلاً
مباین اولدیغی درمیان ایتش ایکن محکمه
استینافیه جه مضابط مذکورهدن صورت
تدقیقی حقنده بر کونه قرار بیان اولنقسزین
مضابط مرقومه نك مدار حکم اتخاذ قلمسی و سننده
ایجاره دائر بر معامله یوخیکن نه سببه مینی
استیجار معناسی ویرلیدیکی تصریح قلمقسزین ایجار
مسائلنه توفیق حکم اولنسی و اجاره ده معقود
علیه منفعت اولوب شمشیر اشجاری قطع ایتک
اوزره استهلاک اعیانه متعلق عقد بیع اولنسنه
نظراً محلجه بو کبی معاملاتده عرف و عادت
جاری اولوب اولدیغنك تحقیق قلمامش و کندوسنه
میشه لکی صاتان سلیمان افندینك صاحب لرندن نه
صورتله صاتون الدیغنه دائر اولان سند حقنده
تدقیقات اجرا اولنماسی مغایر اصول و قانون
اولدیغندن بختله اعلام مذکورک نقضی استداسندن
ومدعی علیهما وکیللی اوخانس موسدیجیان
افندینك نتیجه اجوبه سی دخی مستدعی مومی

اليه جانبدن درمیان اولنان اعتراضات اعلام
مندرجاتنه مخالف اوله رق نقض حکمی موجب
اولدیغی و اعلام استینافی اصول و قانونه موافق
بولدیغی بیانیله اعتراضات مسروده نك ردی
و اعلامك تصدیق طلبندن عبارت بولنش واصل
ووکیل مومی الیه مانك بالاده محرر اعتراض
و جوابلری خارجنده بر ديه جکری اولدیغی
بالسؤال اکلشلدقندن صکره امر محاکمه نك ختام
بولدیغی تفهیم قلمشدر

ایجابی مذاکره اولندقدنه تمیز اولنان اعلامك
نتیجه مفادی مومی الیه حافظ ابراهیم افندیك
مستأذف علیهمایه قارشو معارضه دن منعیله
اعلام ابتدائینك تصدیقنه حکمدن عبارت اولوب
انجق اعلام مذکور مندرجاتندن اکلشلدیغی
اوزره اثنای محاکمه استینافیده محلندن ایدیلان
استعلامه جواباً ورود ایدن مضابط یکدیگرینه
مباین اولدیغی مستدعی جانبدن ادعا ایدلدیکی
حالده بویابده تدقیقات اجراسیله اسباب موجبیه
مقارن اوله رق اعتراض مذکور حل ایدلکسزین
مضابط مذکور نك مدار حکم اتخاذ قلمسی
و ابراهیم افندیك مستد ادعاسی اولان سندده
ایجار واستیجاره دائر سوز اولوب بیع و شرایی
متضمن ایکن استیجار معناسی و رلسنك علی
تصریح قلمسزین اجاره مسائلنه توفیق حکم
ایدلسی و اجاره ده معقود علیه منفعت اولوب
مدعا اولان شمشیر قطع ایتك خصوصی استهلال

اعیانه متعلق اولغله بیع نوعندن اولوب محللجه
بوکی معاملاتده عرف و عادت بلده نه صورتده
جاری اولدیغنك تحقیق قلماسی و منازع فیه
اولان شمشیر لکی مومی الیه ابراهیم افندییه
صاتان سلیمان افندیك مال صاحبزندن نصل
صاتون الدیغنه دائر تحقیقات اجرا اولنماسی
مغایر قانون بولنش و مومی الیه ابراهیم افندیك
اعتراضاتی دخی اساساً بو جهتله دائر اوله رق
شایان قبول کورنش اولدیغندن اصول محاکمه
حقوقیه قانون موقتك ایکیز او توز ایکنجی
ماده سی موجبجه اعلام مذکورك نقضیه کیفیتك
قانون دائره سنده بارویه اعلامه ربطی ضمنده
قسم مذکوره اعاده سنه و اعلام خرجی اولان
ایکی بوز غروشله صورت و تبلیغ خرجلری
بولنان سکسان غروشك اون التي غروش
مصارف محاکمه ایله ایلروده حقسز چقه
جق طرفه عائد اولسق اوزره اول امرده
مستدعی تمیز دن التمسنه فی ۱۸ ایلول
سنه ۳۰۲ تاریخنده متفقاً قرار ویریلرک اصیل
ووکیل مومی الیه مایه تفهیم قلمدی

فی ۳۰ ربیع الاخر سنه ۳۰۴
وفی ۱۲ کانون ثانی سنه ۳۰۲

~~~~~

( اوچبوز ایکی سنه سی تموز نك اون بشنجی )  
( چهارشنبه کیجه سی بیوکدرده اسپانیول )  
( زقاغنده واقع موسیو فرانقونك خانه سنده )  
( ساکن خدمتکار سیواسلی ابراهام ولد کوروری )  
( جرح و قتل ایلدیکی ادعا اولنمسندن طولایی )  
( مظنون علیه اولان حسین بن رجبک )  
( محاکمه علیه سی ضبطنامه سی صورتیدر )

اوچبوز ایکی سنه سی تموز نك اون بشنجی  
چهارشنبه کیجه سی بیوکدرده اسپانیول زقاغنده  
واقع موسیو فرانقونك خانه سنده ساکن  
خدمتکار سیواسلی ابراهام ولد کوروری جرح  
و قتل ایلدیکی ادعا اولنمسندن طولایی مظنون  
علیه اولان حسین بن رجبک جنایتله اتهامنه  
دائر هیئت اتهامیه دن تنظیم و اعطا قلنان فی ۲۹  
ربیع الاول سنه ۳۰۴ تاریخی و اوچبوز التمش  
بر نومرولی مضبطه ایله استیناف مدعی عمومیلکنك  
فی ۱۰ ربیع الاخر سنه ۳۰۴ تاریخی و بیك  
ایکیوز سکسان نومرولی اتهامنامه سی اوراق  
متفرعه سیله فی ۲۱ ربیع الاخر سنه ۳۰۴  
تاریخنده محکمه جنایتله تودیع اولغله بالمطالعده  
اصول محاکمات جزاییه قانوننك ایکیز قرق  
سکرنجی و ایکیز قرق طقوزنجی ماده لر بنه توفیقاً  
مرقوم حسین تاریخ مذکورده توفیقخانه دن  
جلبله استجواب و مدافعه سنده معاونت ایتك اوزره

بر وکیل انتخاب ایتسی تکلیف اولندقدنه دعوی  
وکیللرندن یلدیکی کسنه اولدیغی سوسولکلکه  
محکمه زنده بولنان وکیللر دن رجائی افندی  
جانب محکمه دن کندسنه وکیل تعیین و قانون مذکورك  
ادعای مفسوخیت حقنده اولان ایکیز اولی  
برنجی ماده سی مندرجاتی اخطار اولدیغی مبین  
طوتیلان ضبط ورقه سی تحت امضایه الیرلدی

ادعای مفسوخیت ایچون معین اولان مدت  
قانونیه منقضیه اولغله مرقومك اجرای محاکمه سی  
یلک اوچبوز ایکی سنه سی کانون ثانیسنك او توز  
برنجی جمعه ابرتسی کونته قرارلشدیرلدی

یوم مذکورده ساعت یدی راده لرنده مرقوم  
حسین قانون مز بورك ایکیز التمش اوچنجی  
ماده سنه توفیقاً توفیقخانه دن جلب ایله رجائی افندی  
معذرتنه مبنی کله مدیکندن محکمه زنده بولنان  
دعوی وکیللرندن اسماعیل افندی متهمك قبولیه  
کذلک جانب محکمه دن مرقومه وکیل نصب  
اولنهرق یاننده اولدیغی مدعی شخصی مقمولاك  
برادری اوخانس ایله مدعی عمومی معاونی عزتلو  
جدی افندی دخی حاضر بولندقلری حالده علنا  
اجرای محاکمه یه بالابتدار مرقوم حسین جانب  
ریاسندن استجواب اولندقدنه بکرمی بش یاشنده  
یکی زغرله اولوب بیوکدرده استانبول زقاغنده  
طریق غزته سی صاحب امتیازی فلیب افندیك  
خانه سنده اقامتله اینکچیلک ایتدیکنی سوسولکلکه  
کندوسنه ووکیل مومی الیه اسماعیل افندییه

قانون مذکورک ایکویز التمش دردنجی وایکیوز التمش بشجی ماده لری مدولاتی بعد الاخطار اتهام مضبطه سیله اتهامنامه ضبط کاتبی احد بکه قرائت ایتدیرلدی مضبطه مذکورنک مالی متهم مرقوم حسینک ابراهامی قتل ایتدیکی النده قا اولدیغی حالده فرار ایدرک بر ویرانه لکده اختفا ایتش اولدیغی حالده طوتلدیغنده اسم و شهرتی کتم ایله یا کاش خبر ویرمسی و پولیس مرکزنده اولجه انکار تهمت و مؤخرأ اقرار ایتسی و فعل قتلک مرقوم طرفندن ایقاع اولندیغنک مع القسم و علی الدرجات اخبار ایدلسی ایله ثابت اولش و حرکتی قانون جزانک یوز یتش دردنجی ماده سی محکمی مستلزم افعال جنایه دن بولنش اولدیغندن جنایتله اتهامنه قرار ویرا دیکنی و اتهامنامه نک مؤداسی دخی مضبطه مذکوره مندرجاتی وجهله مرقومک متهم بولندیغنی بیانندن عبارتدر

قانون مذکورک ایکویز التمش التنجی ماده سنه تطبیقاً اتهامنامه نک خلاصه سی مرقومه تهمیم و معاون موخی ایله طرفندن اسباب اتهامی تفصیل و تشریح اولندقدن صکره مرقوم حسین سویلتدیرلدکده اوکیجه اخوره کیدر ایکن طوتلدیغنی بیانیه کلیاً انکار تهمت ایلدی مدعی عمومی طرفندن ویریلان پوصله ده اساسی محرر اولوب دعوت واقعه به مبنی کش اولنردن عنکلیقو خانون ترکیه بیلدیکی جهته بدمد الخلیف

ترجان تعیین فلنان سامعیندن اوتوز یدی یا شنیده خرسنو واسطه سیله وژاندارمه محمد علی اغا دخی بالذات امر تحلیف لری اجرا قلندقدن صکره استماع اولندقدن بولنردن عنکلیقو اوکیجه موسیو فرانقونک مطبخه مرقوم حسین سرخوش اولدیغی حالده کیده رک کندیوسیه ایتیه بی النده کی قابیله تهدید ایتدیکی اثناده خدمتکار ابراهام مرقومی طیشار و چیقار مق اوزره طوتمسنه مبنی مرقوم حسین ابراهامی قابیله اوره رق فرار ایتدیکنی و محمد علی اغا دخی بعد الوقعه حسین گرفت اولندرق النندن قاسی التمش ایکن تکرار فرار ویرانه لکده اخنفا ایتش اولدیغی حالده طوتیلوب اول اسم و شهرتی کتمه و تهمینی انکاره تصدی ایتش ایسه ده تکرار مؤخرأ اثنای راهده نه چاره که بن بش کشینک اغزیننه فلان ایده جک ایدم دیدیکی مثللو قره غونخانه ده ابراهام بوغازیننه صارلدیغی جهته اوردیغنی اقرار ایتدیکنی مضبوط افاده لری دائره سنده اخبار ایلدیلر شهود مرقومه دن اولوب قرعه سی چیقدیغنی جهته باب والای سرعسکریدن ایستلیدیکی حالده کوندرلیمان و یوم محاکمه به قدر حقنده بر جواب دخی النهمیمان عبد القادریک و قبل الوقات مرقوم ابراهامک مضبوط افاده لریله اساس ژورنالی و معاینه راپورتی قرائت ایتدیرلدکده بولنردن عبد القادریک افاده سنک خلاصه سی محمد علی اغانک اخبارینی تکرارندن و ابراهامک تقریری

دخی سرخوش اوله رق مطبخه کیرن ویننده قا بولنان حسینی طیشاری چیقار مق ایستدیکننده کندوسنی قارندن اوره رق قاچدیغنی ایضا حدن و اساس ژورنالک مندرجاتی دخی کذلک کیفیتی شهادت مذکوره دائره سننده تفصیل و حکایه دن و راپورتک نتیجه مفادی دخی ابراهامک بطننده وصول قولتیغنی التنده بر الت قاطعه ایله حصوله کلان جر حرندن متأثراً وفات ایتدیکنی بیانندن عبارتدر دائره امامتدن کتوریلان قا شاهد عنکلیقو و محمد علی اغایه لدی الارائه متهم مرقومک یدنده بولنان بو قا ایدوکنی سویلریله واشبو اخبارات و ژورنال و راپورت و احوال سارویه قارشونه دیه جکی متهم حسینندن لدی السؤال کندوسنی ضرب ایتدکلرندن کرهأ بر اقراده بولنش ایسه ده قا کندوسنک اولدیغنی و عنکلیقونک چوجغنی دوکدیکی جهته اخبارات مذکوره بی اصلا قبول ایتیه جکنی بالبیان انکارنده

مابعدی وار

# اعلان

بشکطاشده صوجی و قهوه بی دکاشده مقیم

پولیسدن مخرج توفیق افندیکنک لیلاً اچقه سنی سرقت ایتدککاری ادعاسیله مظنون علیهم اولنردن حین وقعه دنبرو حال فرارده بولنان اوزون بویلی صاج و قاشلی قره کوزلی اسمر بکزی مطروش چشمه میداننده چیقماز زقاقده خانه سی اولان شعبانک الده اولان رفقاسی مصطفی وقارنیک ایله برابر فعل مذکوره جرأ تدرندن طولایی اوراق تحقیقه ده اتهامنه دلائل کافیه موجود و حرکتی دخی قانون جزانک ایکویز یکرمی برنجی ماده سنه موافق افعال جنایه دن معدود اولدیغنه مبنی مرقومک دخی در سعادت محکمه استینافیسی جنایت قسمنده محاکمه سی اجرا اولتیق اوزره جنایتله اتهامنه قرار ویرلدیکندن فراری مرقوم هر زده کوریلور ایسه اخذ و گرفت اولندرق محکمه مذکوره حبسخانه سنه نقل و تسلیمی لازمکله جکی بالجمله ضابطه عدلیه مأمورلرینک معلومی اولتیق اوزره اشبو اخذ و گرفت امری در سعادت محکمه استینافیسی هیئت اتهامیه سنندن تسطیر و اعطا قلندی

فی ٢٦ جاذی الاولی سنه ٣٠٤

وفی ٧ شباط سنه ٣٠٢

قره حصار قصبه سنك اق مسجد محله سندن  
امر عبدی اوغلی عبدالله افندیك يولوان  
قضا سنده صندوق امینلکندن مستخدم ایکن اون  
بیک کسور غروش ذمتنه بکورمش اولدیغندن  
تحصیلنک تحت حکمه التمی خزینه جلیله وکیلی  
اوخانس افندی طرفندن استمدما اولمسنه  
ومرقومک غیبوت ایلدیکی تحقق ایلسنه  
ووکیل مومی الیهک حکم قانونک اجراسی طلبنده  
بولمسنه بناء تنظیم اولنان ایکنجی دعوتیه ورقه سی  
اصول محاکمه حقوقیه قانون موقتک یکریمی  
التنجی ماده سی حکمه توفیقاً محکمه دیوانخانه سنه  
تعلیق ایدیله رک اشیه اوچیوز ایکی سنه سی  
شباطنک یکریمی سکرنجی جمعه ایرتسی کونی  
خصه ووص مذکورک فصل ورؤیتی تاسیب  
قلندیغندن یوم مذکورده مومی الیه عبدالله  
افندیك قره حصار بدایت محکمه سی حقوق  
دائرة سنه کلمی ویاخود طرفندن مصدق سنه  
وکیل کوندرمی ایکنجی دفعه اوله رق اعلان  
اولنور

فی ٢٦ جازدی الاولى سنه ٣٠٤  
وفی ٧ شباط سنه ٣٠٢

صراف فلیک مصطفی اغا ذمتنده بااعلام الاجنی  
اولان مبالغ معلومه نک تأمین استیفاسی ایچون  
مدیون مرقومک مالی اولوب تحت بجزه النسان  
آل طونده وبش یاشنده بررأس بارکیرک تاریخ اعلاندن  
اعتباراً اوچکون صکره یعنی ماه حلاک یکرمنجی  
جمعه کونی تعیین قلنسان مأمور مخصوص معرفتیه  
ساعت التیده اسکدار ات بازارنده بعدالمزایده  
فروخت اولنه جغندن طالب اولنلرک محل مذکورده  
عزیمتله اسکدار اجرا دائره سی مأمورینه مراجعت  
ایلری اعلان اولنور

فی ١٧ شباط سنه ٣٠٢

قره کیهما سعادتلو قره بت بک افندی حضرتلرینک  
بااعلام موسس افندی ذمتنده اولان مطلوبی  
استحصال اولمسنندن ناشی بک اوغلی بدایت  
حکمه سی برنجی حقوق دائره سی وزنه سنه رسم  
تحصیل اوله رق ایضایه مجبور اولدیغی یکریمی  
بش بیک التی یوز سکر غروش التون اعطا  
اولندیغندن مشار الیهک عهده تصرفنده  
بولنان غلطه ده کی یکی جامع شریف محله وجاده  
سنه التمش بر نومرولی توتونجی دکانی ملک  
و کدکنک نصف حصه شایعه سی بالمزایده اون  
بش بیک اوچیوز غروش بدل ایله حاجی ابراهیم  
افندی عهده سنده تقرر ایلدیکندن تاریخ اعلاندن

اعتباراً اوتوز بر کون ظرفنده بدل مذکور  
اوزرینه یوزده بش ضمیله طالب اولنلرک بک  
اوغلی بدایت محکمه سی اجرا مأموریتی جانبنده  
مراجعت ایلری اعلان اولنور  
فی ١٧ شباط سنه ٣٠٢

مفلس متوفی چوبان اوغلرینک تسویه دیوناتی  
ایچون بوندن اقدام موقع مزایده قونیلان  
بشکطاشده یوک اخلامور جاده سنده تخمیناً  
عتیق اوچبیک بشیوز یکریمی وجدید ایکیبیک  
یکریمی ایکی زراع عرصه عثمانلی لیراسی یوز  
غروش حسایله اونسکر بیک اوچیوز و محل  
مذکورده بلبیل زقاغنده تخمیناً عتیق ایکیبیک  
درتیوز یتش طقوز جدید بیک درتیوز  
یکریمی درت زراع عرصه بشییک ایکیوز و کذا  
محل مذکورده نار زقاغنده تخمیناً عتیق ایکیبیک  
وجدید بیک یوز قرق طقوز زراع عرصه  
ایکیبیک درتیوز و دیگر عتیق بشییک بشیوز  
سکسان طقوز وجدید اوچبیک ایکی یوز اونبر  
زراع عرصه اوچبیک ایکیوز غروش بدلر  
ایله طابلیری عهده رنده قالمش و تاریخ اعلاندن اعتباراً  
اوتوز بر کونه یعنی کله جک مارتک یکریمی ایکنجی  
بازار کونی ساعت اونه قدر یوزدد بش ضم  
قبول اولمسی و ذکر اولنسان یوم وساعتده

صوک مزایده لری بالاجرا قرار قطعی لری و بریلرک  
طابلیرک عهده لرینه بکورلمسی مقرر بولمش  
اولدیغندن و اندن صکره هر نه ضم وقوع بولور  
ایسه قبول اولمیه جغندن مذکور عرصه لره  
یوزده بش ضمیله طالب اولنلرک ودها زیاده  
معلومات المق استیانلرک مدت مرقومه ظرفنده  
محکمه تجارت اجرا دائره سنه مراجعت ایلری  
ویوم ووقت مز بورده محل مذکورده حاضر  
بولغری اعلان اولنور

فی ١٩ شباط سنه ٣٠٢

قره حصار صاحب سنجاغنک سکسان اوچ  
سنه سی رسومات بدلندن ملتزمی بولنان اسبق  
قره حصار اوقاف محاسبه جیمی جلال الدین  
افندی انشته سی سلیمان افندیك ذمتی اولان مبالغ  
معلومه نک کفیلی بولنان سراجنده متوفا ابراهیم  
افندیك تحصیل خزینه جلیله وکیلی اوخانس  
افندی طرفندن ادما اولمسی اوزرینه اقدمجه  
اجرا اولنان محاکمه علییه ده ملتزم مومی الیه  
سلیمان افندی ایله دیگر کفیل مومی الیه جلال الدین  
افندیك دخی جلیلرینه قرار و برلش مومی الیه  
جلال الدین و سلیمان افندیلرک انقره ولایتده اولدیغی  
خبر و برلسنه مبنی حقلرنده بشقه بشقه اوله رق  
تنظیم قلنسان دعوتیه ورقه لری لاجل التبلیغ  
ولایت مشار الیه محکمه بدایت ریاستنه

كوندرلش ایدی مومی الیهامدن سلیمان افندیك اوراده اولدیغی کبی اقامت کاهی دخی مجھول بولدیغی جواباً ازبار ایله ورقه دعوتیه اعاده ایدلسنه ووکیل مومی الیه حکم قانونک اجراسی با عرضحال طلب واستدعا ایلسنه بناء اصول محاکمه حقوقیه قانون موقتنک یکریمی نتیجی مادهسی حکمنه توفیقاً مذکور دعوتیه ورقهسی محکمه دیوانخانہسنه تعلیق ایدیلرک بیک اوچیوز اوج سنهسی مارتنک یکریمی دردنجی صالی کونی خصوص مذکورک فصل ورؤیتی تنسیب قلمش اولدیغندن بوم مذکورده مرقوم سلیمان افندیك قره حصار بدایت محکمهسی حقوق دائرهسنه کلمسی ویاخود طرفندن مصدق سندله بروکیل کوندرمسی وشاید کلز ووکیل کوندرمز ایسه حکم قانونک اجرا قلنه جنی اعلان اولنور

فی ۳ جاذی الاخره سنه ۳۰۴

وفی ۱۴ شباط سنه ۳۰۲

حاجی حسین اغانک خنیفه ثانیہ خانم ذمتنده بااعلام شرعی الاجنئی اولان مبالغ معلومه نك تأمین استیفاسی ضمننده مدیونہ مز بوره نك عهدهسنده اولوب محجوز بولنان استانبولده ارغاد پازاری قربنده حاجی بیجی حسن محله سنک احسانیه زقاغنده واقع اوج نومرو ایله مرقم بر باب خانه اشبو تاریخ اعلانن اعتباراً اون بش کون صکره

بالزایده فروختنه تشبث اولنه جغندن طالب اولنلرک و بی سورمک استیانلرک مدت مذکورہ ختامندن صکره درسعادت اعلامات شرعیہ اجرا دائرهسنه مراجعت ایلری

فی ۲۴ شباط سنه ۳۰۲

متوفی حسن تحسین افندی ورثه سنک اصیل دوینجه وکفیلری پنا یوط و پترو وخرستو ذمتلرندہ بااعلام شرعی الاجقلمی اولان مبالغ معلومه نك تأمین استیفاسی ضمننده اصیل مدیونہ مز بوره نك عهدهسنده اولوب مرهون بولنان حاصکوی قصبهسی محللاتدن محمود اغا محله سنده واقع ابوالخیر بستانن دیمکله معروف برقطعه بستان کدی بوندن اول مزایده به قونیلررق لیرا یوز غروش حسابله اون ایکی بیک غروش بدل ایله طالبی اوزرنده تقرر ایتش اولدیغندن یوزده بش ضمیله بوندن دها زیادہ به طالب اولنلرک اشبو تاریخ اعلانن اعتباراً اوتوز بر کونه قدر درسعادت اعلامات شرعیہ اجرا دائرهسنه مراجعت ایلری

فی ۲۴ شباط سنه ۳۰۲

10585

531 (7)